

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ԶՈՌՆՈՋՆԵՐԻ, ԶՈՌՆՈՋԱՅԻՆ
ԳՈՐԾՈՆՆԵՐԻ, ԶՈՌՆՈՋԱՅԻՆ ԾԱԳՈՒՄ ՈՒՆԵՑՈՂ ՍՆՆԴԱՅԻՆ
ՀԻՎԱՆՊՈԹՅՈՒՆՆԵՐԻ ԲՈՆԿՈՒՄՆԵՐԻ ՄՇՏԱԴԻՏԱՐԿՄԱՆԸ
ՆԵՐԿԱՅԱՑՎՈՂ ՊԱՀԱՆՋՆԵՐԸ

1. Սույն պահանջներով սահմանվում են՝

1) զոռնոզների և զոռնոզային գործոնների մշտադիտարկմանը ներկայացվող հիմնական պահանջները.

2) զոռնոզային գործոնների հակամանրէային կայունության մշտադիտարկման պահանջները.

3) զոռնոզային ծագում ունեցող սննդային հիվանդությունների բռնկումների (այսուհետ՝ սննդային հիվանդությունների բռնկումներ) մշտադիտարկման պահանջները:

2. Սույն պահանջների նպատակն է՝

1) զոռնոզների և սննդային հիվանդությունների բռնկումների համաճարակաբանության և զոռնոզային գործոնի բացահայտումը.

2) զոռնոզների տարածման և զոռնոզային գործոնների փոխանցման մեխանիզմների պարզումը.

3) զոռնոզների և սննդային հիվանդությունների բռնկումների առաջացման պատճառների, զոռնոզային գործոնների աղբյուրների ու օջախների պարզումը, այդ նպատակով անասնահամաճարակային հետազոտությունների և ուսումնասիրությունների իրականացումը.

4) կենդանիների ու մարդկանց զգայուն՝ թիրախային խմբերի և տեսակների բացահայտումն ու պաշտպանումը.

5) զոռնոզների, զոռնոզային գործոնների և սննդային հիվանդությունների բռնկումների տարածվածության գնահատումը.

6) զոռնոզների և սննդային հիվանդությունների բռնկումների կանխարգելումը, սահմանափակումը և վերացումը.

7) սպառողների համար համապատասխան երաշխիքների ապահովումը.

8) լիազոր մարմնի կողմից զոռնոզների և սննդային հիվանդությունների բռնկումների հսկողության ապահովման երաշխիքների ապահովումը.

9) զոռնոզային գործոնների հակամանրէային կայունության բացահայտումը և հսկողության իրականացումը:

3. Սույն պահանջները կիրառվում են՝ հաշվի առնելով զոռնոզների կանխարգելմանը, սահմանափակմանը և վերացմանը վերաբերող Հայաստանի Հանրապետության կառավարության որոշումներով և գերատեսչական իրավական ակտերով սահմանված հետևյալ պահանջները՝

1) կենդանիների առողջության և կերակրման վերաբերյալ.

2) մարդկանց վարակիչ (զոռնոզ) հիվանդությունների վաղ բացահայտման, կանխարգելման, սահմանափակման և վերացման վերաբերյալ.

3) կենդանական ծագում ունեցող սննդամթերքի անվտանգության վերաբերյալ.

4) կենդանական ծագում ունեցող սննդամթերքի, հումքի և կերի՝ շրջանառությունից (շուկայից) հետկանչման վերաբերյալ.

5) փոխանցվող սպորոզանման էնցեֆալոպաթիաների պրիոնային հիվանդությունների վերաբերյալ:

4. Սույն պահանջներում օգտագործվում են հետևյալ հիմնական հասկացությունները՝

1) **զոռնոզներ**՝ վարակիչ հիվանդություններ, որոնք ուղղակիորեն կամ անուղղակիորեն փոխանցվում են կենդանիներից մարդկանց.

2) **գոռնոգային գործոններ՝** վիրուսներ, մանրէներ, սնկեր, մակարոյծներ կամ կենսաբանական գործոններ, որոնք կարող են գոռնոզների կամ սննդային հիվանդությունների բռնկումների առաջացման հավանական պատճառ դառնալ.

3) **հակամանրէային կայունություն՝** որոշ միկրոօրգանիզմների կենսունակություն կամ անգամ աճի ունակություն հակամանրէաբանական գործոնի այն խտության պայմաններում, որը սովորաբար բավարար է նմանատիպ միկրոօրգանիզմների աճը կասեցնելու կամ սպանելու համար.

4) **գոռնոգային ծագում ունեցող սննդային հիվանդությունների բռնկումներ՝** երկու կամ ավելի մարդկանց հիվանդացության և գոռնոզների դեպքեր՝ համանման կլինիկական նշաններով, որոնք նկատվել են նույն սննդի ընդունումից հետո, կամ իրավիճակ, երբ հետազոտված դեպքերի թիվը գերազանցում է մարդկանց շրջանում դրանց ենթադրելի թիվը՝ նույն տեսակի սննդի ընդունումից հետո.

5) **մշտադիտարկում՝** կենդանիների, կենդանիների և մարդկանց համար ընդհանուր վարակիչ հիվանդությունների առաջացման պատճառների հայտնաբերման, անասնահամաճարակային նշանակության տարածքների և օբյեկտների անասնահամաճարակային իրավիճակի, անասնահամաճարակային միջոցառումների գնահատման նպատակով հիվանդությունների բռնկման կամ բռնկման սպառնալիքի առկայության, տիրող անասնահամաճարակային վիճակի գնահատման և վերլուծության համակարգ.

6) **լիազոր մարմին՝** մշտադիտարկում իրականացնող՝ անասնաբուժության բնագավառում լիազորված վերահսկողություն իրականացնող պետական մարմին.

7) **անասնահամաճարակային վերլուծություններ՝** կենդանիների շրջանում գոռնոզների առաջացման, զարգացման, տարածման հետազոտություններ և վերլուծություններ՝ գոռնոզների կանխարգելման սահմանափակման և վերացման նպատակով:

5. Լիազոր մարմինը՝

1) իրականացնում է մշտադիտարկում գոռնոզների և գոռնոզային գործոնների, սննդային հիվանդությունների բռնկումների նկատմամբ.

2) կատարում է գոռնոզների և գոռնոզային գործոնների անասնահամաճարակային վերլուծություններ.

3) որոշում և գնահատում է գոռնոզների և գոռնոզային գործոնների, կենդանիների ու մարդկանց վարակման ռիսկերը՝ առողջապահության բնագավառի պետական լիազոր մարմնի հետ համատեղ:

6. Ջոռնոզների և գոռնոզային գործոնների մշտադիտարկումն իրականացվում է կենդանիների բուծման, կենդանական ծագում ունեցող հումքի և սննդամթերքի, կերերի նախնական արտադրության և (կամ) սննդի ու կերի շղթայի փուլերում:

7. Կախված անասնահամաճարակային վիճակից և (կամ) Կենդանիների առողջության համաշխարհային կազմակերպության կամ Եվրոպական հանձնաժողովի առաջարկություններից՝ գոռնոզային մշտադիտարկումը ներառում է՝

1) մշտադիտարկման ենթակա գոռնոզը կամ գոռնոզային գործոնը կամ սննդային հիվանդությունների բռնկումը.

2) մշտադիտարկման ենթակա կենդանիների տեսակը, սեռահասակային խումբը, թիվը.

3) սննդային հիվանդությունների բռնկումների դեպքում սննդային գործոնի, վարակված մարդկանց, ախտորոշման մասին տեղեկատվության ստացումը Հայաստանի Հանրապետության առողջապահության ոլորտի պետական լիազոր մարմնից.

4) մշտադիտարկման ենթակա առարկան կամ գործոնը, ոլորտը և կենդանական ծագում ունեցող սննդամթերքի և հումքի, կերի շղթայի փուլերը.

5) նմուշների թիվը, տեսակը, նմուշառման հաճախականությունը և մեթոդները.

6) մշտադիտարկման համար անհրաժեշտ տվյալները և դրանց հավաքագրման տեսակն ու մեթոդները.

7) զոոնոզների և զոոնոզային գործոնների, սննդային հիվանդությունների բոնկուրների առկայության կամ մեկուսացման մասին տեղեկատվությունը.

8) զոոնոզային գործոնների նկատմամբ լաբորատոր հետազոտությունների սխեմաները.

9) լաբորատոր հետազոտությունների մեթոդները.

10) մշտադիտարկման մասին պետական կառավարման և տեղական ինքկառավարման մարմիններ ներկայացվող տեղեկատվությունը և դրա հաճախականությունը:

8. Հայաստանի Հանրապետության տարածքում անասնահամաճարակային վիճակի փոփոխության կամ Կենդանիների առողջության համաշխարհային կազմակերպության և Եվրոպական հանձնաժողովի ստացած տեղեկատվության կամ ցուցումների դեպքում լիազոր մարմինները ներկայացնում են առաջարկություն Հայաստանի Հանրապետության կառավարության 2014 թվականի սեպտեմբերի 4-ի N 957 - Ն որոշման N 2 հավելվածի ցանկում փոփոխություն կամ լրացում կատարելու նպատակով՝ հաշվի առնելով հետևյալ չափանիշները՝

1) զոոնոզների, զոոնոզային գործոնների, սննդային հիվանդությունների բոնկուրների հայտնաբերման դեպքերը.

2) կենդանիների և մարդկանց առողջության համար զոոնոզների ու զոոնոզային գործոնների վտանգավոր ազդեցությունը.

3) կենդանիների, մարդկանց առողջության պահպանման և կերի ու սննդամթերքի շրջանառության վրա զոոնոզների և զոոնոզային գործոնների ազդեցության տնտեսական հետևանքները.

4) մարդկանց և կենդանիների շրջանում, ինչպես նաև կերում ու սննդամթերքում գոռնոզային գործոնների և գոռնոզային դեպքերի համաճարակաբանական զարգացման ուղղություններն ու առանձնահատկությունները:

9. Մշտադիտարկման իրականացման նպատակով սննդի շղթայի և կերի շղթայի բոլոր փուլերում լիազոր մարմինը կատարում է նաև կենդանիների, կենդանական ծագում ունեցող սննդամթերքի և հումքի, կերերի, հողի, ջրի ու համաճարակային նշանակություն ունեցող այլ գործոնների նմուշառում՝ գոռնոզային գործոնի կամ հակամիկրոբային կայունության լաբորատոր հետազոտությունները հավաստարմագրված լաբորատորիաներում իրականացնելու նպատակով:

10. Զոոնոզների, գոռնոզային գործոնների և սննդային հիվանդությունների բռնկումների մշտադիտարկումն իրականացվում է՝ պահպանելով կենդանիների առողջության և արտադրանքի անվտանգության նորմերը, այդ թվում՝ կանխարգելման նպատակով նախազգուշացման և արագ արձագանքման համակարգերը, ինչպես նաև Հայաստանի Հանրապետության կառավարության 2014 թվականի սեպտեմբերի 4-ի N 957 - Ն որոշմամբ սահմանված գոռնոզների հսկողության, սննդամթերքի և կերի հիգիենայի ու անվտանգության մասին պահանջները, նկատի ունենալով արտակարգ իրավիճակներում իրականացվող միջոցառումները, շուկայից սննդամթերքի և կերի հետևանքման գործընթացը:

11. Լիազոր մարմինը, համագործակցելով Եվրոպական միության անդամ պետությունների և Կենդանիների առողջության համաշխարհային կազմակերպության մարդկանց կոնտագիոզ հիվանդությունների համաճարակաբանական մշտադիտարկման մասին տեղեկատվություն հավաքագրող մարմինների հետ, իրականացնում է սննդային հիվանդությունների բռնկումների, համաճարակաբանական և միկրոկենսաբանական հետազոտություններ՝ որոշելու համար՝

1) սննդային հիվանդությունների բռնկումների համաճարակաբանական բնութագրերը.

2) վարակի փոխանցման գործոններ հանդիսացող (կասկածելի) սննդամթերքը:

12. Լիազոր մարմինն իրականացնում է գոնոզային գործոնների հակամանրէային կայունության մշտադիտարկում՝ հաշվի առնելով հետևյալ պահանջները՝

1) հիմնական պահանջներ՝

ա. մշտադիտարկման ենթակա կենդանիների տեսակներ,

բ. գոնոզային գործոնների տեսակներ,

գ. նմուշների սխեմաներ,

դ. հակամանրէներ,

ե. հակամիկրոբային կայունության տարբերակման լաբորատոր մեթոդներ,

զ. գոնոզային գործոնների առանձնացման լաբորատոր մեթոդներ,

է. տեղեկատվության հավաքագրման մեթոդներ.

2) հատուկ պահանջ՝

ա. լիազոր մարմինը տեղեկատվություն է հավաքագրում խոշոր եղջերավոր կենդանիների, խոզերի և թռչունների շրջանում, ինչպես նաև դրանցից ստացված՝ կենդանական ծագում ունեցող սննդամթերքում սալմոնելա (*Salmonella spp*), կամպիլոբակտեր յեյունի (*Campylobacter jejuni*), կամպիլոբակտեր կոլի (*Campylobacter coli*) նմուշների մասին,

բ. լիազոր մարմինը յուրաքանչյուր տարի գոնոզների և գոնոզային գործոնների վերաբերյալ Կենդանիների առողջության համաշխարհային կազմակերպություն, իսկ սննդային հիվանդությունների բռնկումների վերաբերյալ Եվրոպական սննդի անվտանգության հարցերով լիազորված մարմին է ներկայացնում հաշվետվություններ՝ Կենդանիների առողջության համաշխարհային կազմակերպության և Եվրոպական հանձնաժողովի կողմից սահմանված ընթացակարգերով ու ժամկետներում.

3) հաշվետվությանը ներկայացվող պահանջները սահմանված են Հայաստանի Հանրապետության կառավարության 2014 թվականի սեպտեմբերի 4-ի N 957 - Ն որոշման N 3 հավելվածով:

13. Լիազոր մարմինն իր պաշտոնական կայքում հրապարակում է գոռնոզների, գոռնոզային գործոնների և դրանց հակամանրէային կայունության մշտադիտարկման արդյունքները:

14. Զոռնոզների մշտադիտարկման վերաբերյալ Եվրոպական հանձնաժողովի և Կենդանիների առողջության համաշխարհային կազմակերպության հետ տեղեկատվությունը փոխանակվում է Կենդանիների առողջության համաշխարհային կազմակերպության կողմից սահմանված ընթացակարգով:

15. Լիազոր մարմինը գոռնոզների, գոռնոզային գործոնների և սննդային հիվանդությունների բռնկումների մշտադիտարկում իրականացնող մասնագետների համար կազմակերպում է իրազեկության բարձրացման միջոցառումներ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ

Դ. ՀԱՐՈՒԹՅՈՒՆՅԱՆ

Ց Ա Ն Կ

ՄՇՏԱԴԻՏԱՐԿՄԱՆ ՀԱՄԱԿԱՐԳՈՒՄ ՆԵՐԱՌՎՈՂ ԶՈՈՆՈՋՆԵՐԻ ԵՎ
ԶՈՈՆՈՋԱՅԻՆ ԳՈՐԾՈՆՆԵՐԻ

Բրուցելյոզ և դրա գործոններ

Կամալիոբակտերիոզ և դրա գործոններ

Լիստերիոզ և դրա գործոններ

Սալմոնելոզ (զոոնոզային սալմոնելաներ) և դրա գործոններ

Տուբերկուլյոզ՝ հարուցված միկոբակտերիում բովիսի (*Mycobacterium bovis*) և այլ
բակտերիաների (ոչ միկոբակտերիում բովիսի (*Mycobacterium bovis*) կողմից

Վերիտոքսիգեն աղիքային ցուպիկ (*Verotoxigenic Escherichia coli*)

Բոտուլիզմ և դրա գործոններ

Լեպտոսպիրոզ և դրա գործոններ

Պսիտակոզ և դրա գործոններ

Վիբրիոզ և դրա գործոններ

Իերսինիոզ և դրա գործոններ

Տրիխենելոզ և դրա գործոններ

Էլիսնակոկոզ և դրա գործոններ

Անիսակիդոզ և դրա գործոններ

Կրիպտոսպորիդիոզ և դրա գործոններ

Ցիստիցերկոզ և դրա գործոններ

Տոքսոպլազմոզ և դրա գործոններ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ

Դ. ՀԱՐՈՒԹՅՈՒՆՅԱՆ

ԵՎՐՈՊԱԿԱՆ ՀԱՆՁՆԱԺՈՂՈՎԻՆ ԵՎ ԿԵՆԴՐԱՆԻՆԵՐԻ ԱՌՈՂՋՈՒԹՅԱՆ
ՀԱՄԱՇԽԱՐՀԱՅԻՆ ԿԱԶՄԱԿԵՐՊՈՒԹՅՈՒՆ ՆԵՐԿԱՅԱՑՎՈՂ
ՀԱՇՎԵՏՎՈՒԹՅԱՆ ՊԱՀԱՆՋՆԵՐԸ

1. Եվրոպական հանձնաժողովին և Կենդանիների առողջության համաշխարհային կազմակերպություն ներկայացվող նախնական հաշվետվության մեջ ներառվում է հետևյալ տեղեկատվությունը՝

1) մշտադիտարկման համակարգերի (անուշառման ռազմավարությունը և հաճախականությունը, նմուշների տեսակը, զոռնոզների դեպքերի նկարագրության և ախտորոշման մեթոդները) մասին.

2) պատվաստումների և այլ կանխարգելիչ միջոցառումների մասին.

3) հսկողության միջոցների, ծրագրերի և դրանց կիրառման մասին.

4) նախատեսվող միջոցառումների (ուղղված զոռնոզների հայտնաբերման դեպքում դրանց մեկուսացմանը) մասին.

5) զոռնոզների վերաբերյալ ծանուցման տեղեկատվական համակարգերի մասին.

6) համապատասխան զոռնոզների անասնահամաճարակային վերլուծությունների մասին:

2. Յուրաքանչյուր տարի ներկայացվող հաշվետվությունը ներառում է հետևյալ տեղեկատվությունը՝

1) զգայունակ կենդանիների գլխաքանակի (հաշվետվության պատրաստման օրվա դրությամբ) և կենդանիների նախիրների, հոտերի, երամակների թվի և դրանց կերակրման մասին.

2) լաբորատորիաների թվի, դրանցում կատարվող հետազոտությունների տեսակների և մշտադիտարկում իրականացնող լիազոր մարմինների մասին:

3. Յուրաքանչյուր տարի ներկայացվող հաշվետվությունը ներառում է զոոնոզների և զոոնոզային գործոնների հետևյալ մանրամասն նկարագրությունը (այդ թվում՝ դրանց հետևանքները)՝

1) կիրառվող մշտադիտարկման համակարգերում կատարվող փոփոխությունները.

2) օգտագործվող մեթոդների փոփոխությունները.

3) լաբորատոր փորձաքննության արդյունքները և զոոնոզային գործոնների միկրոկենսաբանական բնութագրման մյուս մեթոդները (յուրաքանչյուր զոոնոզային գործոնի համար հաշվետվությունը կազմվում է առանձին).

4) համաճարակաբանական և անասնահամաճարակային վիճակի գնահատումը, վարակի տարածման ուղղվածության և աղբյուրների բնութագրումը.

5) զոոնոզային հիվանդությունների նշանակությունը.

6) մարդկանց շրջանում կենդանիներից և սննդից զոոնոզային հիվանդությունների դեպքերի առաջացման հաճախականությունը.

7) մարդկանց շրջանում զոոնոզային գործոնների փոխանցման կանխարգելման կամ սահմանափակման մարտավարությունը.

8) Հայաստանի Հանրապետության տարածքում անասնահամաճարակային վիճակի հսկողության ժամանակ կիրառվող մյուս առանձնահատուկ միջոցառումները և առաջարկները:

4. Հետազոտությունների արդյունքների վերաբերյալ հաշվետվություններում ներկայացվում են հետազոտված անասնահամաճարակային միավորների թիվը (կենդանիների նախիրները, հոտերը, երամակները, տեսակները և նմուշների թիվը) և զոոնոզների յուրաքանչյուր դեպքում դրական հարուցիչով նմուշների թիվը: Անհրաժեշ-

տության դեպքում այդ արդյունքները ներկայացվում են ըստ գոռնոզների և գոռնոզային գործոնների աշխարհագրական տարածվածության:

5. Մանդային ծագում ունեցող հիվանդությունների բնկումների մասին տեղեկատվությունը պարունակում է՝

- 1) տվյալ տարվա ընթացքում ընդհանուր բնկումների թիվը.
- 2) այդ բնկումների ժամանակ մարդկային զոհերի և հիվանդությունների թիվը.
- 3) հիվանդությունների առաջացման պատճառ հանդիսացող գործոնները, անհրաժեշտության դեպքում սերոտիպերի կամ գործոնների մյուս բնորոշիչ նկարագրությունները: Այն դեպքերում, երբ գործոնների տարբերակումն անհնար է, պարզաբանվում են պատճառները.

4) սննդային հիվանդության բնկման պատճառ հանդիսացող սննդամթերքը և մյուս հնարավոր գործոնները.

5) սննդային հիվանդության բնկման պատճառ հանդիսացող սննդամթերքի արտադրության, գնման և սպառման վայրերը.

6) սննդային հիվանդությունների բնկումներին նպաստող գործոնները:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ

Դ. ՀԱՐՈՒԹՅՈՒՆՅԱՆ